

ՀՍՍՀ ԳԻՏՈՒԹՅՈՒՆՆԵՐԻ ԱԿԱԳԵՄԻԱՅԻ
ՏԱՐԵԿԱՆ ԸՆԴՀԱՆՈՒՐ ԺՈՂՈՎԸ

Մարտի 29-ին գիտությունների ակադեմիայի նիստերի դահլիճում տեղի ունեցավ ակադեմիայի տարեկան ընդհանուր ժողովը:

Ժողովը ներածական խոսքով րացեց Հայկական ՍՍՀ գիտությունների ակադեմիայի պրեզիդենտ, ակադեմիկոս Վ. Հ. Համբարձումյանը:

— ՍՄԿԿ Կենտկոմի 1982 թվականի նոյեմբերյան պլենումում, — ասաց նա, — ընկ. Յու. Վ. Անդրոպովը աշխատանքային բոլոր կողեկոտիվների, այդ թվում է գիտական կոլեկտիվների առջև խնդիր դրեց աշխատել ավելի մեծ կազմակերպածություններում ու նպատակասլացությունում: Դա ամբողջապես վերաբերում է նաև Հայաստանի գիտությունների ակադեմիային:

Առաջադրված նոր պահանջների լույսի ներքո ակադեմիայի բոլոր հիմնարկները այժմ վերակառուցում են իրենց աշխատանքը, միջոցներ ձեռնարկում գիտական մշակումների արդյունքներն ըստ ամենայնի օգտագործելու տնտեսական և սոցիալական պլանների իրականացման համար:

Վ. Համբարձումյանը բարձր գնահատեց այն աշխատանքը, որ իրականացնում են ակադեմիան, նրա ինստիտուտները հետազոտությունների արդյունքների նեղորման ուղղությամբ:

Կուսակցության կողմից առաջադրված պարենային ծրագրի հաջող իրականացումը, անուհետև ասաց Վ. Հ. Համբարձումյանը, հրամայարար պահանջում է որոշակի բեկում մրտցրնել մեր աշխատանքներում, գիտականորեն հիմնավորված մշակումներով ու հանձնարարականներով նպաստել գյուղատնտեսական մթերքների արտադրության ավելացմանը, ըստ ամենայնի աջակցել ագրոարդյունաբերական համալիրներին՝ կատարելու առաջադրված խնդիրները:

Հայկական ՍՍՀ գիտությունների ակադեմիայի 1982 թվականի գիտական և գիտակազմակերպական գործունեության հիմնական արդյունքների մասին զեկուցեց Հայկական ՍՍՀ գիտությունների ակադեմիայի ակադեմիկոս քարտուղար, ՀՍՍՀ ԳԱ ակադեմիկոս Գ. Ա. Գալոյանը: Նա ասաց,

որ ակադեմիայի ինստիտուտները և մուս ստորաբաժանումները զգալի ներդրում են կատարել ֆիզիկա-մաթեմատիկական, տեխնիկական, քիմիական, երկրաբանական, կենսաբանական, հասարակական գիտությունների զարգացման գործում, հարստացնելով դրանք նոր արդյունքներով: Գիտական հիմնարկները ժողովրդական տնտեսության մեջ ներդրելու համար առաջարկել են մի շարք մշակումներ: Զեկուցման մեջ ցույց տրվեց գիտության և արտադրության կապի հետագա ամրապնդման, հանրապետության ժողովրդական տնտեսության տարրերն ազգավտների զարգացման ուղղությամբ ակադեմիայի գործունեությունը:

Զեկուցման շուրջը ծավալվեց մտքերի փոխանակություն: Ելույթ ունեցան ՀՍՍՀ ԳԱ ակադեմիկոսներ Ս. Բ. Նալբանդյանը, Գ. Ս. Սահակյանը, ակադեմիայի թղթակից անդամներ Պ. Մ. Գեղունին, Ս. Հ. Մովսիսյանը, ֆիզիկամաթեմատիկական գիտությունների դոկտոր Թ. Մ. Մարտիրոսյանը: Տեղի ունեցավ հանրապետության գիտությունների ակադեմիայի պարզեկների հանձնում ակադեմիայի մի խումբ աշխատակիցների: Ակադեմիայի ընդհանուր մոզղովում «Ջորրորգային ամոնիումական միացությունների գործնական կիրառման հնարավորությունները» թեմայով զեկուցումով հանդես եկավ Հայկական ՍՍՀ գիտությունների ակադեմիայի ակադեմիկոս Ա. Թ. Բարսեղյանը:

Ընդհանուր ժողովը պատմության և տնտեսագիտության բաժանումների ակադեմիկոս քարտուղար ընտրեց ՀՍՍՀ ԳԱ ակադեմիկոս Բ. Ն. Առաքելյանին:

Այնուհետև ժողովը հաստատեց մի շարք գիտահետազոտական ինստիտուտների դիրեկտորների ընտրությունները, որոնք տեղի էին ունեցել ԳԱ համապատասխան բաժանումներում:

Նիստին ներկա էին ընկ. ընկ. Կ. Ս. Դեմիրճյանը, Բ. Ծ. Սարգիսյանը, Յ. Տ. Սարգսյանը, Կ. Լ. Դալլաբյանը, Լ. Ն. Ներսիսյանը: